

可六十燈下可三十燈羅列齋堂左右門閣  
太歲月建日辰本命行年之上脩中元之法  
然燈上極六十燈中可三十六燈下可十二  
燈修下元之法然燈上極三十六燈中可二  
十四燈下可九燈可得悉依上元然燈數亦  
佳无者亦得依下元之法也  
三元篇曰然燈太歲年命上二處令晝夜恒  
明餘燈白日不須明也  
若天雨者但於齋堂然太歲本命二處燈便  
足餘者可闕也  
三元篇自結齋士同齋行香畢當各依其本  
命燈再拜及太歲上啓乞求願隨其所言也

无上秘要卷之五十六

无上秘要卷之五十七

太真上元齋品

高上洞真三元齋上元主天下元主地中元  
主人三元合真上應九玄上元九日以轉經  
行道思真念神合丹鎮生上求神仙中元六  
日乞解已身犯科違戒宿結之愆下元三日  
以拔度七祖解釋九陰死魂生天此高上妙  
法求仙之本根修之成真輕泄漏慢獲罪三  
官  
欲修行大洞真經三十九章雖一玉檢五老  
寶經玄女八門修行十二上願誦誦高上玉  
文飛玄之章思真行道上求神仙及合神丹  
飛騰虛空  
凡修上元齋法九日清齋未至一日五香沐  
浴宿齋齋心上至九人下極三人宿入室北  
向叩齒三十六通捨香三遍長跪上啓  
上元太真皇老高上仙都五帝靈官<sub>臣</sub>等當  
以今月某日明燈燒香旅行誦經<sub>或合神丹</sub>  
上請監真使者真齋仙官五童玉女各三十  
六人監<sub>臣</sub>等行真上聞

此

九天高上虛皇玉帝凡前

明日登齋奉行上真宿昔啓奏惟蒙納聽畢  
明日清旦齋心入室先向齋堂戶外齋主叩  
齒三通思室內生自然紫炁之雲布滿一室  
玉童玉女羅列左右微言某正爾入室燒香  
行道願直齋仙官監衛上真通致玄虛動靜  
以聞便入室左回東向向香爐祝曰  
上元元靈五老神真金仙玉童素靈玉女左  
右侍香飛仙靈官關九天元始天王虛皇玉  
帝<sub>臣</sub>等即時燒香誦經願得无極正炁來降  
入<sub>臣</sub>等身中受<sub>臣</sub>口中祕言所啓速聞徑御  
玉虛高上几前  
次左回北向長跪叩齒三十六通祝曰  
謹出<sub>臣</sub>等身中四肢五體三十九戶上真靈  
官左右飛仙玉虛侍郎五帝五色元皇太真  
飛龍功曹神<sub>臣</sub>使者各三十六人出玉虛侍  
郎飛仙羽節九色耀天之麾五帝五色元皇  
太真手執五帝命魔靈播飛龍功曹冠帶羽  
服金真鳳章神<sub>臣</sub>使者交落七元擎持玉案  
對立<sub>臣</sub>前衛<sub>臣</sub>等口中祕言乘金根紫蓋丹

棘瓊與飛雲之輪從金仙玉童太華玉女各  
 十二人左右龍虎騰天羽騎二十四萬衆飛  
 行紫虛上登九天峻嶒瓊房金暉玉殿紫蘭  
 之內上登元極無窮至上洞真九玄元父太  
 虛玄母元始天王高上玉虛三十九章二十  
 四真高聖玉晨太上大道君四司五帝元極  
 天尊悉係自然玄都元皇大洞三景弟子小  
 兆真人臣某甲等因緣福慶轉輪法門得生  
 人道忝次高玄九天龍書上清寶文會道樂  
 真志願神仙今當入室登齋誦經思真行道  
 燒香明燈或合神誦謹相率齊心朝禮玉天  
 上清高上三寶願仙侍郎五方五帝監靈大  
 夫典齋使者飛仙地仙五嶽靈仙兵馬騎乘  
 各九億萬衆一合來降營臣等身滅魔消試  
 辟凶穰患招致自然正炁金液丹精芝英神  
 仙交會齋堂洞映臣等身玉童玉女侍衛香  
 煙令臣行道得道求仙得仙飛行太空騰景  
 九天與心願合三寶齋真修行事竟啓還本  
 宮惟蒙監納須報奉行畢  
 次回還東向向香爐三捨香稱玄都大洞三

景弟子小兆真人臣某先生臣某甲今建齋  
 立直明燈誦經思神念真行道求仙飛騰九  
 天或合神誦謹相率齊心朝禮玉天  
 斷死根降致九天自然正真列名帝簡書字  
 上清飛行玄虛得為真人歸神无上九玄元  
 始玉皇三十九帝二十四真高上玉晨太上  
 大道君萬仙衆聖元極天尊願以是功德歸  
 流錄度臣等身變化空洞飛行玉清金闕之官  
 今故燒香自歸  
 高上至極天尊得道之後升入元形與三寶  
 齊輪  
 第二上香願臣某甲等今謹齋直明燈誦經  
 思神念真行道求仙飛騰九天或合神誦謹相率齊心朝禮玉天  
 是功德願為十方元極無窮四隣邊域諸名  
 山臣等已得道法師父母尊親及同學門人  
 道士賢者各得其道飛行上清歸命  
 太真上元九玄衆聖萬仙玉皇天尊願以是  
 功德一切濟度之恩感令早得升度飛行上  
 清今故燒香自歸  
 虛元太真上元高聖太上至真天尊得道之

後升入元形與三寶齊輪  
 第三燒香願曰臣某甲等今謹齋直明燈誦  
 經思神念真行道求仙飛騰九天或合神誦謹相率齊心朝禮玉天  
 持是功德為臣等家門九族姻親普天而地  
 帝王國主君臣吏民及螻飛蠕動蚊行喙息  
 一切衆生臣等生未生歸身歸神歸命  
 九天高上衆真玉虛天尊願以是功德一切  
 濟度之恩感荷免離十苦八難五灾六害九  
 厄七傷各保福祿長居自然今故燒香自歸  
 高上無極天真得道之後升入元形與三寶  
 齊輪  
 左回向西北再拜朝禮上方長跪願曰  
 今燒香齋直明燈誦經思神念真行道求  
 仙飛騰九天願太真上元元始天王九玄元  
 父高上玉皇萬聖帝君至極洞元太虛天尊  
 特垂高晨玉真之炁曲映臣等身臣等行道  
 得道求仙得仙合丹成丹鍊金成金飛行玄  
 虛騰景太空侍衛聖君上登玉清金闕之宮  
 次向東南再拜朝禮下方長跪願曰  
 今燒香齋直明燈誦經思神念真行道求

仙飛騰九天願太真上元始天王九玄玄  
母萬始先生上皇紫虛萬聖帝君至極洞元  
太虛天尊特垂明晨之炁曲映身令臣等  
行道得道願仙得仙合丹成丹鍊金成金飛  
行玄虛騰景太空侍衛聖君上登玉清金闕  
之宮

次北向再拜長跪願曰

臣今燒香齋直明燈誦經思神念真行道求  
仙飛騰九天願无上太空玄洞紫虛元始丈  
人三天玉童高上玉晨太上大道君太真丈  
人太真玉皇北俱中真高玄萬仙上聖天尊  
特垂明晨之炁曲映身令臣行道得道願  
仙得仙合丹成丹鍊金成金飛行玄虛騰景  
太空侍衛聖君上登玉清金闕之宮

次西向再拜長跪願曰

臣今燒香齋直明燈誦經思神念真行道求  
仙飛騰九天願无上玄元空洞太始九玄元  
素玉真人高聖上仙龍臺玉妃玉虛太虛  
天尊特垂明晨之炁曲映身令臣等行道  
得道願仙得仙合丹成丹鍊金成金飛行玄

虛騰景太空侍衛聖君上登玉清金闕之宮  
次東向再拜長跪願曰

臣今燒香齋直明燈誦經思神念真行道求  
仙飛騰九天願高上九玄玉虛帝皇太清玄  
元上三天元極大道太上老君諸君丈人賜  
谷神王扶桑大帝君太微帝君中央黃老君  
九老仙都君九炁丈人太清玉陛下上清太  
真玉寶皇上上相東海五門青華小童君高  
仙萬聖至極天尊特垂明晨之炁曲映身令臣  
等行道得道願仙得仙合丹成丹鍊金  
成金飛行玄虛騰景太空侍衛聖君上登玉  
清金闕之宮

次南向再拜長跪願曰

臣今燒香齋直明燈誦經思神念真行道求  
仙飛騰九天願太空九玄元始洞靈虛皇玉  
帝南極上元禁君南昌司命長生君洞陽高  
聖上仙天尊特垂明晨之炁曲映身令臣  
等行道得道願仙得仙合丹成丹鍊金成金  
飛行玄虛騰景太空上登玉清金闕之宮  
次向中央太歲上再拜長跪願曰

臣今燒香齋直明燈誦經思神念真行道求  
仙飛騰九天願无上元願无極无窮太空洞  
玄玄古先生萬道父母紫虛青要帝君後聖  
九玄金闕帝君太華玉靈中玄四真高聖中  
皇上仙天尊垂恩曲映特見哀原令臣等行  
道得道願仙得仙合丹成丹鍊金成金飛行  
玄虛騰景太空上登玉清金闕之宮

畢還立西方向東叩齒九通三捨香願曰

臣等燒香齋直誦經行道求仙今上慶交會  
萬願闡陳太華啓靈金仙揚煙四司監映五  
帝銜軒衆聖回降旋行三輪飛步玄虛朝禮  
玉天願道得道願真得真願聖得聖願神得  
神願飛得飛願仙得仙六願八會咸度身  
得乘飛景上昇九玄畢咽炁九遍止

青童君曰時當於西面起旋香行誦西華素

靈之曲繞香爐三周於南方北向便九拜都  
止

青童君曰凡朝禮之儀亦得心拜而已上元  
之品清且嚴裝一時燒香畢聽坐進飲粥心  
中又一時燒香畢進食自後誦經聽進飲食

卧息養神通至子時又一時燒香此三時  
 悉上元生炁之時故行道求仙之會世所以  
 一時三願願問九歸於九玄之禮也  
 九日燒香都畢清旦入室朝禮如法還向東  
 長跪叩齒九通稱玄都大洞三景弟子小兆  
 真人某嶽先生臣某甲等稽首再拜上啓  
 上元太真空洞九玄太虛高上玉皇三十九  
 帝二十四真高聖玉晨太上大道君四司五  
 帝萬道元始上聖至極天尊臣等好道樂仙  
 志騰九玄上詣上真以今月某日於某郡縣  
 鄉里中關啓齋直燒香誦經思神念真行道  
 求仙誠念神丹修行事竟所啓上清高上三  
 寶領仙侍郎五方五帝監靈大夫典齋使者  
 飛仙天仙地仙五嶽四瀆四方監察真官靈  
 仙謁還真官進品上仙加爵祿秩隨品署真  
 當如太真之儀令臣等行道得道求仙得仙  
 合丹成丹鍊金成金分身變化七十四方下  
 降之綠輦飛行上清騰景九天日月同暉三  
 寶齊輪惟蒙至上監映丹情臣學法未備俯  
 仰之格多不合儀進止犯科或為四司所糾

五帝所執千愆萬罪惟蒙赦貸哀原未悟臣  
 等五體真仙隨功上詣玄都受秩還臣身中  
 同升飛行太空謹以啓  
 聞伏須告報臣某誠惶誠恐稽首再拜  
 建齋之日當輸金真玉光九天之信置於五  
 方以招神致靈六九

无上秘要卷之五十七

卷五十八至六十四原缺



無上秘要卷之六十五

兒一

專誠品

真君曰秀玄栢標者雖山河崩潰而不虧志  
 道存真者雖寒熱飢渴猶不廢此一往之至  
 也或因風以投間或扶魅以結病持一切撥  
 之而勿取昔之道非今道也靈悟苟殊百隙  
 其如子何人聞之亦足以檢撲  
 真君曰昔莊伯微少時好生道常以入時正  
 西北向別目握固想見崑崙積二十一年後  
 服食入山中學道猶存此法當復十許年後  
 閉目乃奄見崑崙存之不止遂見仙人仙人  
 授以金液之方遂得道猶是精感道使之然  
 也  
 定錄君曰昔有一人好道而不知求道之方  
 唯朝夕拜跪向一枯樹輒云乞長生如此二  
 十八年不倦枯木一旦忽然生華華又有汁  
 甜如蜜有人教令食之遂取此華及汁並食  
 食訖即仙如是用心精感之至枯木枯能生  
 此紫華甘津况三秀之靈阿五芝所播植而  
 不數恭山岫洗拔滓穢者良可悲也